

**REGIONAL NEWS UNIT  
ALL INDIA RADIO, AGARTALA  
Date: 04-05-2026  
Time: 07:55-08:05 PM Hrs  
BENGALI EVENING BULLETIN**

---

**Headlines :**

- (১) বিধানসভা নির্বাচনে বিপুল জনাদেশ নিয়ে পশ্চিমবঙ্গে সরকার গঠন করতে চলেছে বিজেপি।
- (২) ধর্মনগর বিধানসভা কেন্দ্রের উপনির্বাচনে বিজেপি প্রার্থী জহর চক্রবর্তী জয়ী হয়েছেন।
- (৩) প্রধানমন্ত্রী নরেন্দ্র মোদী বলেছেন, পশ্চিমবঙ্গ বিধানসভা নির্বাচনে বিজেপির বিপুল জয় এক ভারত শ্রেষ্ঠ ভারত গড়ে তোলার দিকে একটি অন্যতম বৃহৎ পদক্ষেপ।
- (৪) এডিসির নতুন চেয়ারম্যান পদে ভবরঞ্জন রিয়াং ও মুখ্য নির্বাহী সদস্য পদে রুনেইল দেববর্মা মনোনীত হয়েছেন।

\*\*\*\*\*

**Election-Result :**

বিধানসভা নির্বাচনে বিপুল জনাদেশ নিয়ে পশ্চিমবঙ্গে সরকার গঠন করতে চলেছে বিজেপি। স্বাধীনতার পর এই প্রথম বিজেপি পশ্চিমবঙ্গে সরকার গঠন করবে। ১৫ বছর একটানা ক্ষমতায় থাকার পর পরাজয়ের মুখে তৃণমূল কংগ্রেস। পশ্চিমবঙ্গে মোট ২৯৩টি বিধানসভা আসনের মধ্যে এখন পর্যন্ত ঘোষিত ১৫৫টি আসনের মধ্যে বিজেপি ১০৭টি আসনে এবং তৃণমূল কংগ্রেস ৪৪টি আসনে জয়লাভ করেছে। তাছাড়া কংগ্রেস ২টিতে, আমজনতা উন্নয়ন পার্টি ২টি আসনে জয়ী হয়েছে। এখন পর্যন্ত প্রাপ্ত ১৩৮টি আসনের প্রবণতা অনুযায়ী, বিজেপি ৯৯টিতে, তৃণমূল কংগ্রেস ৩৭ টিতে, সি.পি.আই.এম ১টি এবং অন্যান্যরা ১টি আসনে এগিয়ে রয়েছে।

শাসক দল বিজেপি-নেতৃত্বাধীন এন.ডি.এ আসামে টানা তৃতীয়বারের মতো ঐতিহাসিক জয় নিশ্চিত করেছে। কেরলম, সংযুক্ত গণতান্ত্রিক ফ্রন্ট ৯৯টি আসন পেয়ে বিপুল বিজয় অর্জন করেছে, যা তাদের চূড়ান্তভাবে ক্ষমতায় ফেরার ইঙ্গিত দিচ্ছে। পুদুচেরিতে এন রঙ্গস্বামীর সর্বভারতীয় এনআর কংগ্রেসের নেতৃত্বাধীন জাতীয় গণতান্ত্রিক জোট সরকারের প্রত্যাবর্তন প্রত্যাশিত।

অন্যদিকে ডি.এম.কে সরকারের পতন ঘটতে চলেছে। চন্দ্র শেখরন বিজয়ের নবগঠিত দল তামিলাগা ভেটেরী কাজাগম দল এখনো পর্যন্ত সবচেয়ে বেশি আসন পেয়ে এগিয়ে আছে।

\*\*\*\*\*

### **By-Election :**

ধর্মনগর বিধানসভা কেন্দ্রের উপনির্বাচনে বিজেপি প্রার্থী জহর চক্রবর্তী জয়ী হয়েছেন। তিনি তার নিকটতম প্রার্থী সি.পি.আই.এমের অমিতাভ দত্তকে ১৮ হাজার ২৯০ ভোটের ব্যবধানে পরাজিত করেছেন। বিজেপি প্রার্থী জহর চক্রবর্তীর মোট প্রাপ্ত ভোট ২৪ হাজার ২৯১। সি.পি.আই.এম প্রার্থী অমিতাভ দত্ত ৬ হাজার ১টি ও জাতীয় কংগ্রেস প্রার্থী চয়ন ভট্টাচার্য ভোট পেয়েছেন ৫ হাজার ৯৩৬টি। আমরা বাঙালি দলের প্রার্থী বিভাস রঞ্জন দাস ২৭৪টি, এস.ইউ.সি.আই এর সঞ্জয় চৌধুরী ২২৬টি ভোট, নির্দল প্রার্থী ব্রজলাল নাথ ভোট পেয়েছেন ১২৬টি ভোট। নোটা-তে ভোট পড়েছে ৪৪৪টি।

মুখ্যমন্ত্রী অধ্যাপক ডাঃ মানিক সাহা ধর্মনগর উপ-নির্বাচনে ভারতীয় জনতা পার্টির প্রার্থী জহর চক্রবর্তী জয়ী হওয়ায় শুভেচ্ছা জানিয়েছেন। এক শুভেচ্ছা বার্তায় মুখ্যমন্ত্রী বলেন ধর্মনগরের সার্বিক উন্নয়ন, শান্তি ও অগ্রগতির লক্ষ্যে দল ও সরকার নিরলসভাবে কাজ করে যাবে।

বিজেপি রাজ্য সভাপতি তথা সাংসদ রাজীব ভট্টাচার্য ধর্মনগর উপনির্বাচনে বিজেপি প্রার্থী জহর চক্রবর্তী জয়ী হওয়ায় শুভেচ্ছা জানিয়েছেন। এক

শুভেচ্ছা বার্তায় তিনি বলেন, ধর্মনগর উপ-নির্বাচনে জয় উন্নয়নের অগ্রযাত্রা ও জনগণের অটুট আস্থা। তিনি বলেন, এই বিজয় উন্নয়নের পথে জনগণের দৃঢ় আস্থার প্রতিফলন। সমাজ কল্যাণ ও সমাজ শিক্ষামন্ত্রী টিঙ্কু রায়ও বিজেপি প্রার্থী জহর চক্রবর্তীকে শুভেচ্ছা জানিয়েছেন।

\*\*\*\*\*

### Victory Rally :

পশ্চিমবঙ্গ, পুদুচেরি, আসাম বিধানসভা নির্বাচনে এবং ধর্মনগর বিধানসভা কেন্দ্রের উপনির্বাচনে বিজেপি'র জয়ের পরিপ্রেক্ষিতে আজ আগরতলায় প্রদেশ বিজেপি কার্যালয় থেকে একটি বিজয় মিছিল শহরের বিভিন্ন পথ পরিভ্রমণ করে। উপস্থিত ছিলেন মুখ্যমন্ত্রী অধ্যাপক ডাঃ মানিক সাহা, বিজেপি রাজ্য সভাপতি ও সাংসদ রাজীব ভট্টাচার্য, পর্যটন মন্ত্রী সুশান্ত চৌধুরী, বিধায়ক মীনা রানী সরকার প্রমুখ। পশ্চিমবঙ্গ বিধানসভা নির্বাচনে বিজেপি'র জয়ের সম্পর্কে প্রতিক্রিয়া ব্যক্ত করতে গিয়ে মুখ্যমন্ত্রী বলেন, প্রধানমন্ত্রী নরেন্দ্র মোদীর দূরদর্শী নেতৃত্বে ও স্বরাষ্ট্রমন্ত্রী অমিত শাহর বিচক্ষণ মার্গদর্শনে এই জয়, বিকশিত ভারত তথা বিকশিত বাংলা নির্মাণের পথকে প্রশস্ত করলো।

সাংসদ বিপ্লব কুমার দেব বলেন, পশ্চিমবঙ্গ বিধানসভা নির্বাচনে বিজেপি'র জয় প্রধানমন্ত্রী নরেন্দ্র মোদীর দূরদর্শী নেতৃত্ব ও কেন্দ্রীয় স্বরাষ্ট্রমন্ত্রী অমিত শাহ'র কৌশলগত দক্ষতা এবং বিজেপির রাষ্ট্রীয় সভাপতি নীতিন নবীনের শক্তিশালী সাংগঠনিক মার্গদর্শনের ফল। তিনি বলেন, এই জনমত, প্রমাণ করে যে জনগণ একটি শক্তিশালী, স্বচ্ছ ও উন্নয়নমুখী সরকারের পক্ষে তাদের সুস্পষ্ট সমর্থন ব্যক্ত করেছে। যা পশ্চিমবঙ্গে সমৃদ্ধির এক নতুন উচ্চতায় নিয়ে যাবে। সাংসদ শ্রী দেব ধর্মনগর বিধানসভা কেন্দ্রের উপনির্বাচনে জয়ী বিজেপি প্রার্থী জহর চক্রবর্তীকে অভিনন্দন জানিয়েছেন।

বিজেপি রাজ্য সভাপতি রাজীব ভট্টাচার্য বলেন, পশ্চিমবঙ্গে বিজেপি'র জয়ের প্রধান শক্তি হল প্রতিটি কার্যকর্তার নির্ঠা, পরিশ্রম ও আত্মনিবেদন।

আজ বিকালে কৈলাশহৰেও বিজেপি'ৰ বিজয় মিছিল অনুষ্ঠিত হয়। দলের কৈলাশহৰস্থিত জেলা কাৰ্যালয় প্ৰাঙ্গণ থেকে এই মিছিলটি শুরু হয়ে শহরের বিভিন্ন পথ পৰিক্ৰমা করে। মিছিলে অংশ নেন, বিজেপি'ৰ জেলা সভাপতি বিমল কৰ, প্ৰবীণ নেতা বিধান দাস প্ৰমুখ।

পশ্চিমবঙ্গ, আসাম ও পদুচেরিতে বিধানসভা নিৰ্বাচনেও ধৰ্মনগরে উপ-নিৰ্বাচনে বিজেপি'ৰ জয়ে উচ্ছসিত সিপাহীজলা জেলায় বিজেপি'ৰ কৰ্মীরা মেলাঘর ও সোনামুড়ায় বিজয় মিছিলে সামিল হয়। তারা আবিৰ খেলার পাশাপাশি মিষ্টিও বিতৰন করেন। উপস্থিত ছিলেন বিজেপি'ৰ সিপাহীজলা জেলা দক্ষিণাংশ কমিটিৰ সভাপতি উত্তম দাস, যুব মোৰ্চাৰ জেলা সভাপতি সুপাঙ্ক সরকার, সোনামুড়ার মন্ডল সভাপতি শুভ্ৰজীৎ দাস প্ৰমুখ।

পশ্চিমবঙ্গ বিধানসভা নিৰ্বাচনে বিজেপি'ৰ জয়ে প্ৰতিক্ৰিয়া ব্যক্ত করতে গিয়ে আগরতলা পুৰ নিগমের মেয়র তথা বিধায়ক দীপক মজুমদার বলেন, প্ৰধানমন্ত্ৰী নৱেন্দ্ৰ মোদীৰ বিভিন্ন উন্নয়নমূলক প্ৰকল্পের সুফল এবাৰ পশ্চিমবঙ্গের মানুষ সরাসরি উপলব্ধি করতে পাৰবেন।

পশ্চিমবঙ্গে বিজেপি'ৰ জয়ে তিপরা মথা দলের প্ৰতিষ্ঠাতা প্ৰদ্যোৎ কিশোর দেববৰ্মা, প্ৰধানমন্ত্ৰী নৱেন্দ্ৰ মোদী, কেন্দ্ৰীয় স্বৰাষ্ট্ৰমন্ত্ৰী অমিত শাহ এবং সাংসদ বিপ্লব কুমাৰ দেবের ভূমিকাৰ ভূয়সী প্ৰশংসা করেন। তিনি আসামে বিজেপি'ৰ পুনৰায় জয়ী হওয়ায় মুখ্যমন্ত্ৰী হিমন্ত বিশ্ব শৰ্মাকে শুভেচ্ছা জানিয়েছেন।

\*\*\*\*\*

## Update Akashvani :

এখবৰ শুনছেন, আকাশবাণী আগরতলা কেন্দ্ৰ থেকে।

#####Sound Byte#####

আকাশবাণীৰ সংবাদেৰ আপডেট পেতে লগ ইন কৰুন - ডব্লিউ. ডব্লিউ. ডব্লিউ ডট নিউজ অন এ আই আৰ ডট কম এবং নিউজ অন এ-আই-আৰ অ্যাপ, এবং টুইটাৰ ও ফেসবুক প্লাটফৰ্মে-এ এ-আই-আৰ-নিউজ-

এলার্টস-এ। ইউ-টিউব-এ লক্ষ্য করুন নিউজ-অন-এআইআর-  
অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার  
বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর  
নিউজ আগরতলা এবং ইউ টিউবে আকাশবাণী নিউজ আগরতলা।

\*\*\*\*\*

**PM :**

প্রধানমন্ত্রী নরেন্দ্র মোদী পশ্চিমবঙ্গ বিধানসভা নির্বাচনে বিজেপি'র বিপুল  
জয় সম্পর্কে প্রতিক্রিয়া ব্যক্ত করতে গিয়ে বলেন, আজকের দিনটি দেশের  
উজ্জ্বল ভবিষ্যতের শুরুর দিন। আজ সন্ধ্যায় নতুন দিল্লিতে বিজেপি'র  
রাষ্ট্রীয় কার্যালয়ে বক্তব্য রাখতে গিয়ে বলেন, পশ্চিমবঙ্গের এই জয়  
লোকতন্ত্রের উপর আস্থার জয়, এক ভারত শ্রেষ্ঠ ভারত গড়ে তোলার  
দিকে আরেকটি বৃহৎ পদক্ষেপ।

#####Byte-PM#####

\*\*\*\*\*

**ADC-Oath Taking :**

এডিসি'র নতুন চেয়ারম্যান পদে দামছড়া-জম্পুই আসন থেকে নির্বাচিত  
ভবরঞ্জন রিয়াং ও মুখ্য নির্বাহী সদস্য পদে বোধজংনগর-ওয়াকিনগর  
আসন থেকে নির্বাচিত রুনেইল দেববর্মা মনোনীত হয়েছেন। আজ  
আগরতলায় রাজবাড়িতে এডিসি-তে তিপরা মথা দলের নব-নির্বাচিত  
সদস্যদের বৈঠকে সর্বসম্মতিক্রমে এই সিদ্ধান্ত নেওয়া হয়। তিপরা মথা  
দলের প্রতিষ্ঠাতা প্রদ্যোৎ কিশোর দেববর্মা ভিডিও কনফারেন্সের মাধ্যমে  
এই বৈঠকে অংশ গ্রহণ করেন। আজ তিপরা মথা দলের পক্ষ থেকে এখবর  
জানানো হয়েছে।

এদিকে, এডিসি'র নতুন চেয়ারম্যান ও মুখ্য নির্বাহী সদস্য নির্বাচন আগামীকাল সকাল ১১টায় খুমলুং-এ এডিসি'র কাউন্সিল ভবনে অনুষ্ঠিত হবে। পরদিন অর্থাৎ ৬ই মে সকাল ১১টায় মুখ্য নির্বাহী সদস্য ও কার্যনির্বাহী সদস্যদের শপথ গ্রহণ অনুষ্ঠান অনুষ্ঠিত হবে খুমলুং-এর নুডাই অডিটোরিয়াম হলে। এডিসি'র অতিরিক্ত মুখ্য নির্বাহী আধিকারিক সুবল দেববর্মা আজ এখবর জানিয়েছেন।

\*\*\*\*\*

### **Fire Safety Week :**

স্বাস্থ্য পরিষেবা পরিবেশকে সুরক্ষিত রাখার দায়বদ্ধতার লক্ষ্যে কেন্দ্রীয় স্বাস্থ্য পরিবার কল্যাণ মন্ত্রক সমস্ত রাজ্য ও কেন্দ্রশাসিত অঞ্চলগুলির সঙ্গে সহযোগিতা এবং সংশ্লিষ্ট কেন্দ্রীয় মন্ত্রক ও দপ্তরগুলির সঙ্গে সমন্বয় রেখে আজ থেকে দেশজুড়ে অগ্নি সুরক্ষা সপ্তাহ চালু হয়েছে। “স্বাস্থ্য পরিষেবা ক্ষেত্রে অগ্নি নিরাপত্তা” এই বিষয়ে কেন্দ্রীয় স্বাস্থ্য সচিব পূণ্য সলিলা শ্রীবাস্তবের নেতৃত্বে দেশজুড়ে শপথগ্রহণের মধ্যে দিয়ে অগ্নি সুরক্ষা সপ্তাহ শুরু হয়েছে। অগ্নি প্রতিরোধ, অগ্নি সুরক্ষার প্রস্তুতি এবং অগ্নি রোধে যথাযথ ব্যবস্থা গড়ে তুলতে স্বাস্থ্য পরিষেবা প্রতিষ্ঠান এবং অংশীদারদের সম্মিলিত দায়বদ্ধতাকে সুনিশ্চিত করার লক্ষ্যেই এই শপথ গ্রহণ। এই কর্মসূচির ভাবনা হল “নিরাপদ বিদ্যালয়, নিরাপদ হাসপাতাল এবং অগ্নি সুরক্ষা গড়তে সচেতন সমাজ : অগ্নি প্রতিরোধে সম্মিলিত প্রয়াস”।

\*\*\*\*\*

### **Sangre Festival :**

তথ্য ও সংস্কৃতি দপ্তর, সার্কুম মহকুমা প্রশাসন এবং মগ সামাজিক ও সাংস্কৃতিক সংস্থার উদ্যোগে আয়োজিত দুইদিনের নবম রাজ্যভিত্তিক সাংগ্রে উৎসব গতকাল সার্কুমের সিন্ধুকপাথরের পথই মগ পাড়া স্কুলে শেষ হয়েছে। মগ জনগোষ্ঠীর ঐতিহ্যবাহী উৎসবের সমাপ্তি অনুষ্ঠানে উপস্থিত ছিলেন শিল্প ও বানিজ্য প্রতিমন্ত্রী বৃষকেতু দেববর্মা। দুইদিনের মেলায় মগ

সম্প্রদায়ের ঐতিহ্যবাহী দ খেলায় রাজ্যস্তরের চ্যাম্পিয়ান হয় মগ যুব সংগঠনের কুলাই জোন।

\*\*\*\*\*

**Weather :**

আগামী ২৪ ঘন্টায় রাজ্যের সবকটি জেলায় ঘন্টায় ৩০ থেকে ৪০ কিলোমিটার বেগে ঝড়ো হাওয়া সহ ভারী বৃষ্টির সতর্কতা জারি করেছে আবহাওয়া দপ্তর। আজ দিনের সর্বোচ্চ তাপমাত্রা ছিল ৩০ ডিগ্রি সেলসিয়াস এবং সর্বনিম্ন ২১.৩ ডিগ্রি সেলসিয়াস। আগামীকাল দিনের সর্বোচ্চ তাপমাত্রা ৩২ ডিগ্রি সেলসিয়াস এবং সর্বনিম্ন ২১ ডিগ্রি সেলসিয়াসের কাছাকাছি থাকতে পারে।

\*\*\*\*\*

